



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. VI. Diversas Ecclesiarum consuetudines in Missae celebratione olim
fuisse, & nunc esse. Quae sit earum causa & origo. Sacrificium idem
ubique quoad essentiam. Varios ritus Fidei unitatem non ...

urn:nbn:de:hbz:466:1-10805

in Italicâ nostra, & in Gallicâ, multum enim discrepat hodierna ab antiqua. Cum ergo experientia docerit, singulis ferè saeculis vulgare idiomâ mutari, si Missa sermone vulgi celebraretur, iisdem mutationibus subjecta foret, non sine gravi dispendio debita venerationis, & cum evidenti periculo depravationis. Tolleretur etiam necessaria ad Fidei unitatem Ecclesiarum communicatio, quæ hoc vinculo neicitur: nec posset Sacerdos Italus in Galliâ, aut in Germaniâ, nec Germanus aut Gallus in Italia sacris operari. Quare sapientissime ab Ecclesia constitutum est, ut, quo idiomate Missæ primum institute sunt, eo semper celebrentur, licet populo ignorantis. Præcellit exemplum hujus disciplinae in veteri Testamento, nam cum populus post captivitatem Chaldaicè loqueretur, Psalmos tamen & Scripturas Hebraicè semper cantavit, & legit; quem morem Hebrei etiam hodie in Synagogis obseruant: nec enim voluit Deus mutari Scripturam, licet Populus linguam mutasset. Eadem Romanis cura fuit servandi in sacris sermonis antiquitatem, nam carmina Saliorum vix Sacerdotibus suis intellecta, ut ait Quintilianus lib. 1. *Instit. Orat. cap. 6.* nunquam mutarunt, quia vegetabat Religio, & confederatis utendum erat. De aliis gentibus, quæ lingua peculiaris sacra mysteria celebrant, locus agendi erit cum de propriis cujusque nationis Liturgiis tractabo.

CAPUT VI.

Diversas Ecclesiarum consuetudines in Missâ celebratione olim fuisse, & nunc esse. Quæ sit earum causa & origo. Sacrificium idem ubique quoad essentiam. Varios ritus fidei unitatem non ledere. Quid peccatum in hoc genere.

I. **M**issa institutio ita ad Christum referenda est, ut ipsum ejus Auctorem agnoscamus quo ad essentiam, quæ mutari non potest; cetera vero, qæ ad Preces, & Ritus, & Ceremonias pertinent; & quæ parascevaistica, & accessoria, ac veluti parerga sunt; ab Apostolis, eorumque Successoribus constituta fateamur. Huc enim pertinent Apostoli verba ad Corinthios, *Cetera cum venero disponam, ut docet Augustinus hunc locum tractans ep. 118. ad Januarium: Unde, inquit, intelligi datur, quia multum erat, ut in epistola coriolum illum agendi ordinem insinuaret,*

quem universa per Orbem servat Ecclesia, ab ipso ordinatum esse, quod nulla morum diversitate variatur. Sunt igitur quedam in omnibus Liturgiis, in quibus omnes Ecclesiae conveniunt, ut potè sine quibus Sacrificii ratio nullo modo subsisteret; cujusmodi sunt Panis & Vini præparatio, Oblatio, Confessatio, Consummatio, & ipsius Sacramenti communicare volentibus distributio. Aliæ item præcipue partes sunt, quæ licet ad sacrificii integratatem non spectent; in omnibus tamen omnium gentium Liturgiis reperiuntur, Psalmorum scilicet modulatio, lectio sacrae scripturae, Ministrorum apparatus, thurificatio, catechumenorum & aliorum profanorum exclusio, Preceatio pacis, Preces diuinae, Gratiarum actio, & si quæ alia sunt ejusdem generis. Modus autem & ritus, quibus haec omnia peraguntur, verba quibus preces concipiuntur, Ordo ceremoniarum, & reliqua minoris momenti diversis Ecclesiis diversa, & peculiaria sunt: nec ita ab Apostolis & Apostolicis viris instituta fuerunt, ut perpetuarent & immutabilia. Ideo in illis varietates apparent, & mutationes, quæ unitatem Ecclesiae non scindunt, nec Fideles offendunt. Narrat Augustinus Ep. 118. sibi dubitanti de variis Ecclesiarum observationibus dixisse Ambrosium; *Ad quam forte Ecclesiam veneris, eius morem servâ, si cuiquam non vis esse scandalum; nec quemquam tibi.* Idem Ep. 86. *In his rebus, de quibus nihil certi statuit divina Scriptura, mos populi Dei vel instituta majorum prolege tenenda sunt: de quibus si disputare voluerimus, & ex aliorum consuetudine altos improbare, orientis interminata luctatio.* Hieron. Ep. 28. ad Lucinium, *Illud te breviter admonendum puto, traditiones Ecclesiasticas, præsertim quæ fiduci non officiant, ita observandas ut a majoribus traditæ sunt: nec aliorum consuetudinem aliorum contrario more subverti.* Nicolaus I. Ep. 2. ad Photium. *De consuetudinibus quas nobis opponere vishi estis scribentes per diversas Ecclesias, diversas esse consuetudines, si illis canonica non obsistit auctoritas, pro qua obviare debeamus, nihil judicamus, vel sis resistimus.* Fulbertus Carnotensis Ep. 2. ad Finardum: *Plura sunt in ecclesiasticis officiis, in quibus Orientales Ecclesie & nostræ communi observatione sibi respondent: sunt vero alia, in quibus alias ab aliis cultu dispari, & varia observatione audiūimus diffinire. Nec tamen nos offendit observatione diversitas, ubi fidei non scinditur unitas.* Ernulfus Roffensis Episcopus Epist. 2. Tomo 2. Spicilegii editæ, Christum ait docuisse quæ facienda erant, sed non præfixisse modum quo fieri

X X debarent.

deberent. Tum subdit, *Hinc esse videtur quod ait, Hoc facite in meam commemorationem: Non ait, hoc modo facite.* Unde nonnulla Christianæ Religionis instituta cum in Ecclesiæ nascentis initio sua modum originis accepere, quem in progressu ejusdem credentis propter quasdam rationabiles causas non diu remiserunt. Lodem tomo Spicilegi, quod vir eruditissimus Lucas Dacherius Monachus Benedictinus Congregationis S. Mauri de re literaria optimè meritus, ex veterum monumentis, è situ Bibliothecarum erutis summa cura & judicio in plures Tomos distinctum edidit: extat Tractatus Rattamni Monachi Corbeiensis contra Græcorum opposita, qui lib. 4. multa disfusè congerit, ut ostendat, mutari subinde salva Fide consuetudines, easque in diversis Ecclesiis diversas esse. Gregorius Protosyncellus adversus Marcum Ephesinum apud Leonem Allatium de Synodo Photiana p. 531. In ritibus, inquit, Ecclesiasticis consuetudo est varia. Nam Constantinopolitana major Ecclesia in celebrandi officiis alio more uritur; alio vero majora Monasteria, alio minora ad quietem accommodata, denique alia Sacerdotum secularium Ecclesiæ. Quin Tabernaclo et in uno eodemque canobio variis ieiunandi, psallendi modos habebant, aliis per biduum ieiunantibus, aliis per hebdomadam: & his quidem ad vesperam, illis vero de media nocte sacros hymnos cantentibus: quod siebat etiam in Monasterio Aemotorum. Alia de hac rituum diversitate Græcorum testimonia idem Allatius afferit in Hottingero convictio cap. 3. & lib. 3. de perpetua confessione Ecclesiæ Occid: & Orient. c. 13. & 14. Afferit Sozomenus l. 7. c. 19. neminem posse easdem traditiones per omnia similares in omnibus Ecclesiis reperiens, quamvis inter se consentiant. Cui Socrates suffragatur lib. 5. cap. 21. dicens cuiusque religionis varios esse ritus, sicut in eadem fide consentiant. Ut enim docte Bernardus ait Ep. 77. ad Hugonem Vitorinum, *Ibi unusquisque in suo sensu securus abundat, ubi aut certa ratione, aut non contemnenda auctoritati quod sentitur non obviat.* Tertullianus denique his omnibus antiquior initio libri de Velandis Virginibus, *Regula fidei,* inquit, una omnino est sola immobilis & irreformabilis. Cetera jā discipline & conversationis admittunt novitatem.

II. Cause vero tanta rituum varietatis in tantâ Fidei unitate haec suisse videntur: Vel quia disparates diversarum Nationum mores & ingenia sunt, quæ diversos ritus & ceremonias ut in rebus politicis, ita etiam in Ecclesiasticis exigunt: vel quia nullo extante de his Christi vel Apo-

stolorum præcepto, libera facultas Episcopis relicta est id sentiendi & decernendi, quod unicuique salva Fide magis expediens vixum fuit: vel quia siveiente in Christianos persecutione, cœtus Episcoporum in unum cogi non potuit, in quo communibus suffragiis communis forma Sacrificii celebrandi ab omnibus custodienda stabiliretur. Divisis enim Provinciis inter Apostolos ad Euangeliū prædicationem, credibile est, unumque illorum gentibus, quas fide imbuerant, modum quoque Liturgiæ tradidisse ad eorum mores & consuetudines, quibus ante suscepit fidem vivebant, accommodatum. Quia vero dissimiles apud varias Nationes mores semper fuerunt, hinc orta rituum diversitas est. Eadem libertate alios item Antistites usos fuisse, qui in variis regnis successu temporis Euangelium disseminarunt, Ecclesiastica historiae Scriptores docent. Nota est Epistola Gregorii Magni ad Augustinum, quem in Angliam misit, ut illas gentes ad Fidem converteret. Illi enim interroganti, *Cur una cum sit fides, sunt Ecclesiæ consuetudines tam diverse?* & altera consuetudo Missarum ejus in Romana Ecclesia, atque altera in Galliarum Ecclesiis tenetur? Si respondet S. Pontifex: *Novit fraternitas tua Romana Ecclesiæ consuetudinem, in qua se meminit eturitam.* Sed mihi placet, ut sive in sancta Romana, sive in Galliarum, sive in qualibet Ecclesia aliquid inveniatur, quod plus omnipotenti Deo possit placere, sollicite eligas, & in Anglorum Ecclesiæ que abduc in fide nova est, institutione præcipua, que de multis Ecclesiis colligere potuisti, infundas. Non enim pro locis res, sed pro bonis rebus loca nobis amanda sunt. Anselmus quoque Cantuarienis in Responione ad querelas Valeranni c. 1. eidem conquerenti de varietate rituum Ecclesiasticorum, habere nos à Sanctis Patribus ait, quod si unitas servatur charitatis in fide Catholica, nihil officit consuetudo diversa. Natas autem varietates afferit ex humanae sensu diversitate, qui quamvis in unitate non dissentiant, in aptitudine tamen & decencia administrationis non concordant: quia quod unus aptius esse judicat, alius sive minus aptum aestimat. In Ecclesia Neocæsariensi quedam suo tempore introducta refert Basilius Magnus, Ep. 57. ad Clerum ejusdem Ecclesiæ, quæ tempore Gregorii Thaumaturgi in usu non erant. Andreas Mafius vir eruditus cū animadverteret breviorem esse apud Syros, quam apud Græcos Basilius Liturgiam, hanc hujus rei afferat rationem Præf. in Liturgiam Syrorum: *Quippe n* fuit



fit perpetuus hominum in religione sensus, ut intra prescriptas à Patribus ceremonias quantumvis san-dissimas sece continere pauci potuerint. Unde pro tempori tractu ad illas pro vario Antifitum pictatis affectu alia atque alia addita, multa etiam mutata videre est. Solus Fidei Canon, ut supra diximus, inconcussus, & immutabilis est, cætera quæ ad ritus & disciplinam pertinent, iusta interveniente causa, sine reprehensione mutari possunt. Hoc Pelagius II. Epistola ad Episcopos Istriae, post Magnum Leonem & alios suos Prædecessores, professus est, specialem scilicet Synodalium Conciliorum causam fidem esse; quicquid vero præter fidem agitur, nihil obstat, si ad judicium revocetur. Hoc idem afferit Aug. l. 2. de Baptismo contra Donatistas, dicens: *Ipsa Concilia, quæ per singulas regiones vel provincias sunt, pleniorum Conciliorum auctoritatibus, quæ sunt ex universo orbe Christiano, sine ullis ambagiis cedere: ipsaque plenaria sæpe priora posterioribus emendari, cum aliquo experimento rerum apertur quod clausum erat, & cognoscitur quod latet, sine ullo typho sacrilege superbiæ, sine ulla inflata cervice arrogantiæ, sine ulla contentione lividae invidiæ, cum sancta humilitate, cum pace Catholicæ, cum charitate Christiana.*

III. Atque utinam Ecclesiæ Antifitites ab hac regula pacis & charitatis nullo unquam tempore recessissent; in tanta enim consuetudinum diversitate nulla fuisset animorum dissensio, nullæ inter Christianos fissuræ, nulla scandalum: nihilque ineptum, nihil reprehensibile in Ecclesiasticos ritus irrepsisset. Sed dum plerique potestate sibi tradita abutuntur, dum nimium sibi suisque adinventionibus indulgent, dum veterum Patrum statuta parvipendunt, in variis errore lapsi sunt. Et primo quidem rituum variantes, qua Graeci à Latinis, & utriusque inter se olim discrepabant, ingens augmentum sumpsit ex nimia libertate, quam sibi temere arrogarunt, quidlibet in hoc genere audendi, minorum etiam gentium Episcopi, & ipsi quoque Monasteriorum Præfecti, adeò ut nonnulli Apostolicis institutionibus neglectis, veterumque Patrum auctoritate posthabita, multa prorsus insulsa, & ab Ecclesiastica gravitate aliena Ritualibus libris inferuerint, quæ in antiquatis Codicibus hodie legimus, & detestamur. Adversus hanc licentiam justa percitus indignatione, S. Innocentius Papa hujus nominis Primus sic ad Decentium Episcopum Eugubinum scripsit. *Si inslrita Ecclesiastica, ut sunt ab Apostolis tradita, integræ servare Domini Sacerdotes, nulla diversitas,*

nulla varietas in ipsis Ordinibus & Consecrationibus haberetur. Sed dum unusquisque non quod traditum est, sed quod sibi usum fuerit, hoc estimat esse tenendum, inde diversa in diversis locis vel Ecclesiis aut teneri aut celebrari videntur, ac fit scandalum populis, qui dum neficiunt traditiones antiquas humana presumptione corruptas putant sibi aut Ecclesiæ non convenire, aut ab Apostolis vel ab Apostolicis viris contrarietatem inductæ. Quis enim neficiat aut non advertat, id quod à Princepe Apostolorum Petro Romæ Ecclesiæ traditum est, ac nunc usque custoditur, ab omnibus debere servari, nec superinduct aut introduci aliquid, quod aut auctoritatem non habeat, aut aliunde accipere videatur exemplum? Præsertim cum sit manifestum in omnem Italiam, Gallias, Hispanias, Africam, atque Siciliam, insulæque interiacentes nullum instituisse Ecclesiæ, nisi eos quos Venerabilis Apostolus Petrus, aut ejus Successores constituerunt Sacerdotes. Aut legant si in his Provinciis alius Apostolorum inventur aut legitur docuisse. Quod si non legunt, quia misquam inventum, sopotet eos hoc sequi, quod Ecclesia Romana custodit, & quia eos principium accepisse non est dubium, ne dum peregrinis assertionibus stident, caput institutionum videantur omittere. Sæpe Dilectionem tuam ad Urbem venisse, ac nobiscum in Ecclesia convenisse, & quem morem vel in consecrandis mysteriis, vel in ceteris agendis arcans teneat, cognovisse, dum tam non est: quod sufficere ad informationem Ecclesiæ tue, vel reformationem, si Præcessores tui minus aliquid aut aliter tenuerunt, satis certum haberem, nisi de aliquibus consulendos nos esse duxisses. Hæc fuisus ex Innocentio hic transcribenda putavi, ut ejus testimonio evincerem, primarias Ecclesiæ proprios ritus à Fundatoribus accepisse, quosdam vero ex successoribus per licentiam & potestatis abusum sæpe illos immutasse, & novitates introduxisse. Hoc primum in hoc genere peccatum fuit, quod, dum alii evitare nimio studio conati sunt, stultorum more in contrarium incidunt, semel enim susceptis consuetudinibus pertinaciis adhaerentes turbas in Ecclesia sufficitur, ut mox videbimus, cum Romani Pontifices, vel abusus Episcoporum incuria introductos evellere, vel errores hereticorum fraude infertos expungere, vel aliquid in iis inponare iustis de causis voluerunt. Alii denique nullum statuentes discriminem inter capita fidei & discipline, ex varietate rituum, dogmatum quoque diversitatem estimantes, mutuus inter se odii & concordationibus exarserunt, disrupto que vinculo pacis & dilectionis, Schismati, & erroribus patentissimum ostium apertum est. Quot

X x 2 & quam,

& quam luētuosae tragediae inter Graecos & Latinos hac de causa exortae sint, notum est omnibus. A Photio illarum initium saeculo nono, & nondum finis: adhuc enim in plerisque Orientalibus ferox odium adversus Latinos fervet, & forte acris, quam cum primum ab unitate, & obedientia Romana Ecclesias defecerunt. Superbia omnium malorum causa rebellionis origo fuit, tum accesserunt ex Rituum diversitate vani praetextus: nec enim Orientalibus lis unquam de ritibus mota est à Romana Ecclesia, quæ sedulò potius in hanc curam semper incubuit, ut illibati servarentur. Debet igitur unaquaque Ecclesia custodire ritus suos, sed receptos à Majoribus, longoque usu præscriptos, & legitima auctoritate approbatos. Si quid vero innovatum, si quid perperam immutatum, id expungendum, & corrigendum est.

CAPUT VII.

Actum in Conciliis de Rituum observantia, eorumque varietate tollenda. Quomodo Sectarii Missam perverterint. Romana Missa studio Pontificum ab omnibus Occidentalibus recepta. Quorundam in hoc remittentia, ejusque causa. Romane Ecclesia tradita Missa à Petro Apostolo, ab aliis aucta. Rome olim diversa officia. Quid in his immutatum à Fratribus Minoribus.

I. Nitimus cogendi Concilia in Actibus Apostolorum describitur cap. 15. cùm Christianorum causa adversus Iudeos, qui Gentibus ad fidem conversis Circumcisem & alia Moysicæ legis præcepta ad salutem necessaria esse docebant, discussa ac definita fuit. Nata igitur cum Ecclesia simile cum ipsa incrementum, & summam in ea auctoritatem habuerunt, semperque à Fidelibus cum ingenti veneratione suscepta sunt. Aguntur, inquit Tertullianus lib. de ieiun. c. 13. certis in locis Concilia ex universis Ecclesiis, per quæ & altiora queque in commune tractantur, & ipsa representatio totius nominis Christiani magna veneratione celebratur. Altiora autem, quæ in his tractantur, nemo est qui ignoret. Ad ea enim pertinet non solum de dogmatibus fidei agere, sed ritus etiam in sacris functionibus fervidos prescribere, succrescentibus malis re media afferre, exortas controversias compone-re, collapsam disciplinam reparare. Ideo sanctum fuit, ut frequenter in unum Episcopi con-

venirent, ut si quid alienum à fide & ab Ecclesiasticis observationibus diabolica fraude irrepissem, communis consensu corrigeretur. Magna synodus Nicœna Can. 5. statuit bis in anno hac concilia celebrari, ante Quadragesimam, & circa tempus autumni. Ad quem canonem S. Leo respexit, cum ad Episcopos Siciliæ scriptis fabuberrimè à sanctis Patribus constitutum, ut bini debeant in annos singulos Episcoporum esse conventus. Hæc sanctio innovata est in concilio Antiocheno sub Julio I. Can. 20. & in Regiensi sub Sixto III. c. 7. in primo autem Araucano sub Leone Magno c. 29. in Agathensi sub Symmacho c. 71. in Emeritenzi sub Vitaliano c. 7. in Aurelianensi secundo & quarto ordinatum est singulis annis Episcopos congregari, quod idem præcepit Hilarius Papa Epist. 8. ad Galliæ Metropolitanos. Nicolaus I. Epist. 27. Ludovico & Carolo Regibus conqueritur, Episcopos de ipsorum Regnis non fuissi Romanum ad synodum missos, ut novitatum mala, quæ multiplicata erant, faciliter tolli possent. Romæ autem convocari concilium solebat circa finem septembri, ut ex prædicta Leonis Magni Epistola colligatur, ad quod singulis annis aliquot Episcopi ex qualibet Provincia specialiter electi convenire debebant: ita enim decernit ibidem S. Pontifex his verbis: *Terni semper ex vobis ad diem tertium Kalendarum Octobrium Romanum fraterno concilio sociandi occurrant, & indissimulanter à vobis hæc consuetudo servetur. Quoniam adjuvante gratia Dei facilius poterit provideri, ut in Ecclesiis Christi nulla scandalus nulli nascantur errores, cum coram Beatisimo Petro semper in communione tractatum fuerit, ut omnia instituta Canonumque Decreta apud omnes Domini Sacerdotes inviolata permaneant. Quia vero discrepantia rituum, dissensionum fomenta præbebat, sedulò huic tollendæ sancti Episcopi synodaliter congregati incubuerunt. Unde in concilio Epaunensi a. 509. c. 27. & in Gerundenzi a. 517. c. 1. statutum est, ut idem Missæ ordo in universa Provincia servaretur, quem servabat Ecclesia Metropolitana; anno autem 563. Bracarense I. c. 22. constituit, ut eodem ordine Missæ ab omnibus celebrarentur, quem Pro futurus ejus Ecclesia Archiepiscopus à Sede Apostolica suscepserat. Et scilicet sequenti Bracarense II. C. 1. sancivit: Ut per singulas Ecclesiæ Episcopi per Dioceses ambulantes primum discutiant Clericos, quomodo Ordinem Baptismi teneant vel Missarum, & qualiter quecumque officia in Ecclesia peragantur. Et si recte quidem invenerint, Deo gratias agant; si autem minus, docere debeant ignoros. Ulterius progressus Theodulphus Aurelianensis*

